

initia finesq; discernentes. Singulis deinde duodenis eius circuli tricenas assignarunt partes, diligenter obseruantes, quæ quibus in partibus, cuiusue qualitatis, aut naturæ essent sidera. Item qui singulorum planetarum in diuersis partibus eius circuli effectus essent.

Hoc modo primum constituto influentiarum circulo (cuius obliquitatem philosophus quoq; affirmat esse causam generationum & corruptionum) cum deprehendissent, postea longo rerum coelestium ac communium usu edocti, diuersos effectus stellarum ac signorum effectus in alijs atq; alijs coeli partibus, iisdem prorsus rationibus, monstrante uiam experientia, situs signorum seu translationes partium zodiaci, singulis momentis in ipso coelo distinxerunt. Primum in quadrantes officio horis, & circuli magni utrinq; per polos zodiaci ac loci uerticem transeuntis: Deinde singulos quadrantes in ternas duodenas æquales prius constituti influentiarum circuli, per circulos magnos ex polis eiusdem (ut supra) deductos partiti sunt, quas domos coelestes appellarunt, sequuti planè & numerum & rationem duodecim signorum, & ad eundem influentiarum circulum omnes obseruationes suas referentes, & decanos, & terminos signorum in illis duodecim locis diligentissimè, cum suis ac stellarum in ijs congregantium effectibus, notarunt. Et sicut uidemus eos primum in uniuersum pro signorum naturis definiendis qualitates quatuor elementorum imitatos esse, ita ut primum quidem zodiaci signum igneum constituerint, alterum terreum, tertium aëreum, quartum aquosum: quo etiam ordine ac modo signorum triplicitates distributas esse apparet. Sic in his quatuor coeli cardinibus, seu angularibus coeli domicilijs constituendis, eandem prorsus rationem qualitatum primum in genere eos sequutos fuisse constat. Eo pacto ortuum quidem cardinem, qui nobis Solem caloris & siccitatis autorem singulis diebus aduehit, igneum esse, oppositum uero occidentem aquaticum esse, quia nobis Solem aufert, cuius discessum frigiditas & humidæ subsequuntur tenebræ: Medium autem inter utrunq; cardinem (quod Medij coeli culmen appellarunt) ab orientali quidem parte caliditatem, à cadenti uero humiditatem mutuari, ac aëream constitutionem referre senserunt. Huic uero oppositum augulum ad Septentrionem, ab occasu quidem frigiditatem, ab orientali uero parte siccitatem sibi asciscere, atq; terræ naturam seu qualitatem imitari dixerunt ita ut si ab ortu per meridiem, dehinc in occasum, ab eoq; uersus imum coeli naturas cardinum expendas ac numeres, & ordinem, & qualitates elementorum in ipsis cardinibus agnoscere possis. Atq; huic cardinum distributioni ac descriptioni ipsorum etiam uentorum ab eisdem flantium qualitates respondent, ac suffragantur, ut non inane tantum speculationem, sed ipsius naturæ quasi suffragium & consensum in hac distributione cardinum sequuti esse uideantur. Quin ipsa etiam signa in quouis themate coelesti, quatuor angulos siue cardines occupantia, secundum hanc uiam antiquissimorum sapientum semper qualitates quatuor elementorum referunt, adeo ut in his cardinibus coeli constituendis eruditè etiam respexerint ad causas generationum & corruptionum, inq; ipso coelo nascendi moriendiq; principia inuestigant. Tantusq; est horum cardinum inter se consensus, ac similitudo præter illā qualitatum diuersitatem, ut si in uno cardine fuerit signum mobile, reliqua etiam tria in alijs cardinibus similiter sint mobilia, sin fixum fuerit unius cardinis signum, fixa sint & reliqua necesse est. In hanc sententiam Albumasar Iaphar dictus in ueteri translatione qui fuit post Ptolemæum annis 694, maioris sui introductorij tractatu sexto, differentia octaua, inquit: Omnia indiuidua ex quatuor elementis efficiuntur, per significationes signorum. Nam cum fuerit Ascendens alicuius animati aliquod signorum ex signis zodiaci, inuenies signa significantia quatuor elementa in angulis, ut commisceantur ad inuicem. Verbi gratia: Cum fuerit Ascendens Aries igneus, erit Capricornus terreus in decima domo, & Libra aërea in angulo septimæ, Cancer uero aquaticus